

Alkitab Anggen Anak Alit

Anak sugih Lan
Anak Ane
Tiwas



Kasurat olih: Edward Hughes

Kaperagayang olih: M. Maillot; Lazarus
Alastair Paterson

Ka tempa saking: M. Maillot; Sarah S.

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2024 Bible for Children, Inc.


Perarem: Ida dane dados nerjemahang utawi nyalin carita puniki,
nanging nenten dados ke adol.




Ida Hyang Yesus nawang liu pemucuk agamane lebihan tresnane teken pipis yen kebandingan tekenin Ida Sang Hyang Widi. Ida Hyang Yesus nyeritayang unduk anake ane liu ngelah pipis idup ne lakar tan paguna yen ia tusing ngelah Widi. Mongken ja liune iraga ngelah kasugiahan, kesugihan ne ento tusing lakar cukup anggon iraga meli idup ane langgeng.




Ada anak sugih adiri ane liu
ngelah penganggo ane
luwung tur mael-mael.
Bajune patuh cara bajun
anake dadi raja.



Anake sugih ento masi setata naar dedaaran ane jaen-jaen. Sebilang medaar, dedaarane cara dedaaran anak ane ngelah pesta gede. Ia liu pesan ngelah pipis, uli krana keto ia nyidang meli makejang dedaaran ane lakar daara di kala semengan, tengaine, keto masi rikala petenge. Ada masi makudang-kudang jaje anggota camilan.



Di sisin pagehan umah anak sugih ento, ada anak tiwas idih-idih nylempang, gelem tur basang ne seduk. Adane Lazarus.



Dane Lazarus anak tiwas ento awakne bek misi tatu. Ia sedeng sakit. Mirib ia metatu uli kрана ada anak jaat ane natunin ia wiadin ia sakit uli kрана tusing ngelah dedaaran ane lakar daare sebilang wai.



Dane Lazarus dot
pesan medaar.
Ia ngarepang
lakar maan ngidih
dedaaran ane
ulung uli mejan
anak sugih ento.



Ditu masi ada
cicing ane
nyilapin awak
anak tiwas ento,
ane bek misi
tatu. Asanange
tusing ada anak
ane ngrunguang
Lazarus rikala ia
seduk pesan.



Buin mani
semengane,
dane Lazarus
tusing bangun-
bangun uli
pulesne. Anak
idih-idih ane tiwas
tur ane tusing
ngelah timpal
ento sube mati.



Rikala dane Lazarus sube mati, ditu dane mara merasa liang pesan. Pangandikan Ida Hyang Yesus, malekat-malekate ngajak dane Lazarus tangkil ring dane Abraham. Ida Sang Hyang Widi nglipur dane Lazarus.




Anak ane sugih ento masi mati. Pipis ne ane liu ento tusing nyidang ngerahayang idupne. Yen kematian sube teka, tusing ada anak ane nyidang nambakin.





Anak sugih ento ke tanem di setrane. Penguburane mewah pesan. Liu anake ane muji-muji anak ane sugih ento uli krana ia anak ane dueg lan sube dadi anak sukses. Sakewala puji-pujian ne ento tusing nyidang nulungin anak sugih ento. Ia jani idup di neraka.





Di neraka, anak sugih ento ngeling sigsigan. "Jero dane Abraham, utus ja dane Lazarus apange ia ngetisin layah tiange aji yeh, uli krana di api nerakane tiang sengsara pesan."



“Di jagate makajang sube gelahang cening sakewala Lazarus tusing ngelah apa-apa”. Baos dane Abraham teken anak sugih ento. “Jani Lazarus sube nampi keliangan lan cening nampi kesengsaran. Tusing ada anak ane nyidang metemuang cening ane ada di neraka lan tiang ane ada di swargan.”





“Utus ja Lazarus ka jagate apange ia miceketin nyaman tiange ajak lelima,” Pengidih anak sugih ento. “Tiang tusing pesan ngarepang yen idup nyaman-nyaman tiange patuh cara tiang sengsara dini.”



"Nyaman-nyaman ceninge sube nawang sabdan
Ida Sang Hyang Widi," Baos dane Abraham.

Yening nyaman-nyaman ceninge ajak lelima ento
tusing percaya ring sabdan Ida Sang Hyang Widi
ane munggah di cakepan sucine, ia sinah sube

tusing lakar percaya
yadiastu ketuturin olih
anak sube mati,
buin idup.



Rikala Ida sang Hyang Yesus muputang nuturang satawan Idane ngeniang indik anak sugih lan Lazarus, mirib pemucuk agama Yahudine saling metakon ajak timpal-timpalne, "Apake tiang lebih sayang teken arta brana kebandingan tresnan tiange teken Widine?"



Anak sugih Lan Anak Ane Tiwas

Wenten katuturan carita saking pengandika Ida sang Hyang
widi mewasta Alkitab,


dados sobyahang ring

Lukas 16


"Pemargin saking pengandika Ida Ngicenin Karahayuan."

Mazmur 119:130





44



60



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacén Alkitab tur mapitatur sareng Ida Hyang Widhi ngerahina! Yohanes 3:16

